



REPUBLIKA E SHQIPËRISË  
ENTI RREGULLATOR I ENERGJISË  
BORDI

VENDIM

Nr. 220, Datë 01.09.2022

MBI

**MIRATIMIN E NDRYSHIMEVE NË RREGULLOREN PËR PROCEDURAT DHE AFATET PËR DHËNIEN, MODIFIKIMIN, TRANSFERIMIN, RINOVIMIN, NJOHJEN DHE HEQJEN E LICENCAVE NË SEKTORIN E ENERGJISË ELEKTRIKE**

Në mbështetje të neneve 16 dhe 39, pika 1, të ligjit nr. 43/2015 “Për sektorin e energjisë elektrike”, i ndryshuar; nenit 15 dhe nenit 26 të Rregullores për organizimin, funksionimin dhe procedurat e ERE-s, miratuar me vendimin e bordit të Entit Rregullator të Energjisë (ERE) nr. 96, datë 17.06.2016; Bordi i ERE-s, në mbledhjen e tij të datës 01.09.2022, mbasi shqyrtoi relacionin e përgatitur nga Grupi i Punës me nr. 1504/3, datë 29.08.2021, “Mbi miratimin e rregullores për procedurat dhe afatet për dhënie, modifikimin, rinovimin, transferimin dhe njohjen e licencave në sektorin e energjisë elektrike” ,

**Konstatoi se:**

- Bordi i ERE-s me vendimin nr. 138, datë 07.06.2021, filloi procedurën për rishikimin e “Rregullores për procedurat dhe afatet për dhënie, modifikimin, transferimin, rinovimin ose heqjen e licensave në sektorin e energjisë elektrike”.
- ERE me njoftimin nr. 6/16 prot., datë 07.06.2021, ka publikuar në median e shkruar fillimin e kësaj procedure dhe me shkresën nr. 742 prot., datë 10.06.2021, i është drejtuar palëve të interesit: Ministrisë së Infrastrukturës dhe Energjisë (MIE), Autoritetit të Konkurrencës (AK), Sekretariatit të Komunitetit të Energjisë, Korporatës Elektroenergjitike Shqiptare (KESH) sh.a., Operatorit të Sistemit të Transmetimit (OST) sh.a, Operatorit të Shpërndarjes së Energjisë Elektrike (OSHEE) sh.a., Shoqatës Shqiptare të Furnizuesve të Energjisë Elektrike (AAES), Shoqatës së Investitorëve të Huaj në Shqipëri (FIAA), Shoqatës Shqiptare të Energjisë së Rinovueshme (AREA) dhe Këshillit European të Rregullatorëve të Energjisë (ACERC) për marrje mendimi rreth ndryshimeve të propozuara.

- Në përfundim të afatit të pritjes së komenteve nga palët, rezulton se kanë depozituar komente dhe sugjerime: MIE, Furnizuesi i Shërbimit Universal (FSHU) sh.a. dhe Sekretariati i Komunitetit të Energjisë, të cilat janë marrë kryesisht në konsideratë gjatë hartimit të ndryshimeve të kësaj rregulloreje.
- Sa i përket përcaktimeve të ligjit nr. 87/2019, “Për faturën dhe sistemin e monitorimit të qarkullimit”, është konstatuar së ato nuk prekin nenet e rregullores për të cilat ishte propozuar ndryshimi, nenin 8 dhe Aneksin A të rregullores. Në këto rrethana Aneksi A do të ketë përcaktime për pagesat sipas llojit të aplikimit, por nuk do të jetë format që do të plotësohet nga aplikuesi.
- Nisur nga rastet praktike të konstatuara dhe duke marrë në konsideratë dhe vendimet e Qeverisë Shqiptare, ku synohet që të shmanget marrja fizike e shumë prej dokumenteve/akteve administrative, duke bërë të mundur aksesimin online të tyre, është vlerësuar të rishihet dokumentacioni që depozitohet nga aplikuesit referuar llojit të aplikimit. Në këtë kontekst vlerësohet që aplikuesit të depozitojnë në ERE dokumente me nënshkrim apo vulë elektronike, në rastet kur kjo aplikohet, i cili është pa kosto për subjektin dhe disponohet prej tij nëpërmjet sistemit online.
- Vlerësohet që aplikuesit të depozitojnë në ERE vetëm dokumentacionin që konsiderohet i vlefshëm dhe i mjaftueshëm për dhënien/modifikimin/rinovimin apo transferimin e një licence dhe jo dokumentacion të cilin e ka depozituar më parë me qëllim marrjen e miratimit/autorizimit apo lejeve nga autoriteti shtetëror/organi përgjegjës (si në rastin e prodhimit të energjisë elektrike) dhe të dhënat përkatëse të nevojshme gjenden te këto miratime apo autorizime.
- Nisur nga shqyrtimi i rasteve praktike, është vlerësuar edhe që në disa pika të rregullores të bëhen qartësime/saktësime të mëtejshme për subjektet sa i takon informacionit apo dokumentacionit që duhet të depozitojnë, pa ndryshuar qëllimin e nenit përkatës.
- Gjithashtu është bërë një rikonceptim i të dhënave identifikuese të subjekteve, deklaratave dhe të dhënave teknike (në varësi të llojit të aplikimit) dhe për arsye të aplikimit janë përgatitur formularë të veçantë, të cilat janë në formën e shtojcave dhe pjesë integrale e rregullores, që plotësohen dhe nënshkruhen nga aplikuesi dhe depozitohen në ERE së bashku me dokumentacionin tjetër të aplikimit.
- Është vlerësuar dhe rishikimi i Aneksit A miratuar sa i takon pagesave sipas llojit të aplikimit.
- Ndryshimet e rregullores janë konceptuar në një dokument të veçantë që do t’i bashëklidhet këtij vendimi.

Për gjithë sa më sipër, bordi i ERE-s,

**Vendosi:**

1. Të miratojë ndryshimet në “Rregulloren për procedurat dhe afatet për dhënien, modifikimin, transferimin, rinovimin, njohjen dhe heqjen e licencave në sektorin e energjisë elektrike” (bashkëlidhur ndryshimet).
2. Grupi i punës, të njoftojë palët e interesit për vendimin e bordit të ERE-s.

Ky vendim hyn në fuqi pas botimit në Fletoren Zyrtare.

Çdo palë e përfshirë në këtë procedurë mund t’i kërkojë ERE-s, brenda 7 ditëve kalendarike nga data e marrjes së vendimit, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

**KRYETARI**  
**Petrit AHMETI**



REPUBLIKA E SHQIPËRISË  
ENTI RREGULLATOR I ENERGJISË

**“NDRYSHIMET E PROPOZUARA NË “RREGULLOREN PËR PROCEDURAT DHE AFATET PËR DHËNIEN, MODIFIKIMIN, TRANSFERIMIN, RINOVIMIN/NJOHJEN OSE HEQJEN E LICENSAVE NË SEKTORIN E ENERGJISË ELEKTRIKE”, TË MIRATUAR ME VENDIMIN E BORDIT TË ERE NR. 109, DATË 29.06.2016, I NDRYSHUAR”**

- Kudo në rregullore, togfjalëshi “*ditë pune*” zëvendësohet me “*ditë*”.
- Në nenin 3 hiqet përkufizimi për “*Drejtuesit kryesorë*” dhe ndryshon përkufizimi për të deleguarin përgjegjës dhe shtohen përkufizimet për “*stafin teknik*” dhe “*dokumentacionin thelbësor*” si vijon”:

*“Përfaqësues me prokurë/autorizim” do të thotë një person fizik/juridik që aplikon për një licencë në emër të aplikuesit, sipas aktit përkatës të përfaqësimit.*

*“Staf teknik” do të thotë staf administrativ, ligjor apo inxhinierik, dhe/ose mbështetës, në funksion të veprimtarisë së licencuar.*

*“Dokumentacion thelbësor” do të thotë çdo leje/autorizim/miratim e lëshuar nga autoritetet/organet përgjegjëse, që është i domosdoshëm për ushtrimin e veprimtarisë së licencuar.*

- Kudo në rregullore, togfjalëshi “*i deleguari përgjegjës*”, zëvendësohet me “*Përfaqësues me prokurë/autorizim*”.
- Në nenin 4, **Licencat**, pika 2 ndahet në pikat 2 dhe 3 dhe pikat 3, 4, 5 dhe 6 behen pikat 4, 5 ,6 dhe 7, si vijon:
  2. Për operimin e një linje direkte nuk nevojitet licencë transmetimi apo shpërndarjeje.
  3. Nuk janë të detyruar të pajisen me licencë për prodhimin e energjisë elektrike:
    - a) vetëprodhuesit, të cilët nuk janë të lidhur me rrjetin kombëtar, ose kur lidhja me rrjetin kombëtar bëhet për qëllime të mirëmbajtjes së njësisë së tij të prodhimit:
    - b) prodhuesit, përfshirë edhe vetëprodhuesit e lidhur me rrjetin kombëtar, me kapacitet të instaluar deri në 1 MW.
- Në nenin 7, **Delegimi i të drejtave të aplikuesit**, bëhen këto ndryshime:
  - **Pika 1** ndryshon si vijon:

1. *Aplikuesi mund të caktojë një individ/person si përfaqësues me prokurë/autorizim, i cili do ta përfaqësojë atë në të gjitha çështjet që kanë të bëjnë me aplikimin, brenda kompetencave të dhëna në aktin e përfaqësimit për këtë qëllim.*
- **Pika 2** shfuqizohet.
- **Në nenin 8, *Paraqitja e aplikimit***, bëhen këto ndryshime:
    - **Pika 1** ndryshon si vijon:
      1. *Aplikimi ka të bëjë me plotësimin e shtojcave përkatëse sipas llojit të aplikimit, që referohen në nenin 9, si dhe dokumentacionit që përcaktohet në nenet 9, 15, 16 dhe 17 të kësaj Rregulloreje.*
    - **Pika 5**, ndryshon si vijon:
      5. *Dokumentacioni që depozitohet në formën e deklaratës nga aplikuesi, duhet të jetë i nënshkruar dhe/ose vulosur prej tij.*
  - **Neni 9, *Formati dhe dokumentacioni për aplikim***, ndryshon si vijon:
    1. *Dokumentacioni i përgjithshëm për të gjitha aplikimet për pajisje me licencë*
      - 1.1 *Aplikuesi duhet të plotësojë formatin e aplikimit, sipas përcaktimeve të Shtojcës 1 bashkëlidhur kësaj rregulloreje.*
      - 1.2 *Aplikuesi duhet të depozitojë dokumentacionin juridik dhe administrativ si më poshtë:*
        - a. *ekstraktin historik të regjistrimit tregtar nga Qendra Kombëtare e Biznesit (QKB);*
        - b. *vërtetimin e gjendjes gjyqësore për shoqërinë, administratorin/administratorët e saj;*
        - c. *strukturën organizative të shoqërisë, e cila duhet të përmbajë stafin teknik sipas veprimtarisë së licencuar;*
        - d. *në rast se aplikuesi do të caktojë një përfaqësues, duhet të depozitojë në ERE aktin e përfaqësimit (prokurë/autorizim).*
      - 1.3 *Aplikuesi duhet të depozitojë dokumentacionin financiar dhe fiskal si vijon:*
        - a. *vërtetim që nuk ka detyrime të pashlyera ndaj organeve tatimore dhe atyre të sigurimeve shoqërore dhe shëndetësore;*
        - b. *bilancin financiar të 3 (tri) viteve të fundit/ose kohës së ekzistencës së shoqërisë (për shoqëritë e krijuara rishtazi), të audituar (kur kjo kërkohet nga ligji) dhe/ose dokumente që vërtetojnë aftësinë dhe mbështetjen financiare (financim i vetë aplikuesit, kredi ose garanci bankare, donacion etj.) për ushtrimin e veprimtarisë, sipas llojit të aplikimit, bazuar në këtë dokumentacion. (Në në rastin e veprimtarisë së tregtimit dhe furnizimit të energjisë elektrike, mbështetja financiare duhet të garantojë të paktën 1 (një) muaj të ushtrimit të aktivitetit, referuar sasisë së parashikuar nga vetë aplikuesi)*

- c. planin e biznesit, ku të ketë përcaktime në lidhje me parashikimin vjetor të kostove, shitjeve, të ardhurave dhe financimin e projektit/ushtrimit të veprimtarisë së licencuar).

## 2. Dokumentacioni specifik sipas tipit të licencës

### 2.1 Për t'u pajisur me licencë për prodhimin e energjisë elektrike, aplikuesi duhet të depozitojë gjithashtu:

- a. formatin e plotësuar me të dhënat teknike sipas Shtojcës 2;
- b. marrëveshjen e koncesionit/autorizimin apo çdo formë tjetër të marrëveshjes në rastet e aplikueshme të lidhur me institucionet përgjegjëse të ngarkuara me ligj, në përputhje me legjislacionin e zbatueshëm në fuqi;
- c. miratimin e operatorit të rrjetit (OST sha, ose OSSH sha) për lidhjen e centralit/centraleve me rrjetin elektrik;
- d. lejen e përdorimit të burimit ujqor për prodhimin e energjisë elektrike nga hidrocentralet;
- e. miratimin nga organet përkatëse të menaxhimit dhe mbrojtjes së mjedisit (VNM, Deklaratë mjedisore, Leje);
- f. miratimin e projektit të digës nga Komiteti Kombëtar i Digave (në rastet e objekteve me digë).

### 2.2 Për t'u pajisur me licencë për operimin e sistemit të transmetimit të energjisë elektrike, aplikuesi duhet të depozitojë gjithashtu:

- a. formatin e plotësuar me të dhënat teknike sipas Shtojcës 3;
- b. diagramën e sistemit të transmetimit që tregon elementet ekzistuese dhe ato të perspektivës në format A1;
- c. planin e zhvillimit të rrjetit;
- d. numrin e punonjësve të kategorizuar sipas profesioneve.

### 2.3 Për t'u pajisur me licencë për operimin e sistemit të shpërndarjes të energjisë elektrike, aplikuesi duhet të depozitojë gjithashtu:

- a. formatin e plotësuar me të dhënat teknike sipas Shtojcës 4.
- b. diagramën e sistemit të shpërndarjes që tregon elementet ekzistuese dhe ato të perspektivës;
- c. planin e zhvillimit të rrjetit;
- d. plan-veprimin për uljen e humbjeve teknike dhe joteknike;
- e. plan-veprimin për përmirësimin e cilësisë së shërbimit;
- f. numrin e punonjësve të kategorizuar sipas profesioneve;
- g. të dhëna për matjen dhe për sistemet IT.

### 2.4 Për t'u pajisur me licencë për furnizimin e energjisë elektrike, aplikuesi duhet të depozitojë gjithashtu:

- a. informacion mbi sasinë e energjisë elektrike (në GWh) të parashikuar për t'u furnizuar gjatë 5 (pesë) viteve të ardhshme të licencës;
- b. informacion mbi sistemin IT me të cilin do të operojë veprimtarinë e furnizimit të energjisë elektrike apo marrëveshje me të tretët për vënien në

- dispozicion/përdorimin e këtij shërbimi, me qëllim realizimin e procesit të faturimit për klientët;*
- c. informacion mbi disponimin e zyrave përfaqësuese të furnizuesit, me adresat përkatëse të vendndodhjes së tyre;*
  - d. informacionin mbi nivelin e tensionit dhe mënyrën e realizimit të matjes për klientët.*

*2.5 Për t'u pajisur me licencë për tregtimin e energjisë elektrike, aplikuesi duhet të depozitojë gjithashtu informacion mbi sasinë e energjisë elektrike (në GWh) të parashikuar për t'u tregtuar gjatë 5 (pesë) viteve të ardhshme të licencës.*

*2.6 Për t'u pajisur me licencë për operimin e tregut të energjisë elektrike, aplikuesi duhet të depozitojë gjithashtu:*

- a. numrin e punonjësve të kategorizuar sipas profesioneve;*
- b. informacion për zotërimin e harduerit dhe softuerit të nevojshëm për operimin e tregut sipas Rregullave të tregut shqiptar të energjisë elektrike dhe akteve të tjera për këtë qëllim;*
- c. informacion dhe dokumentacion që vërteton mundësinë për të zhvilluar të gjitha procedurat operacionale, kontraktuale ose marrëdhëniet e aksesit, përfshirë shërbimet për likuidimet (clearing).*
- d. rregulloret përkatëse të miratuara nga organet drejtuese që lidhen me mekanizmin për mbikëqyrjen e tregut, procedurat dhe kontrollet për mbrojtjen e informacionit konfidencial;*
- e. çdo dokumentacion tjetër që lidhet me bashkëpunimin në kuadër të veprimtarisë së operimit të tregut të energjisë elektrike.*

*2.7 Për t'u pajisur me licencë për veprimtarinë e sistemeve të mbyllura të shpërndarjes së energjisë elektrike, aplikuesi duhet të depozitojë gjithashtu:*

- a. elementet e sistemit të mbyllur të shpërndarjes;*
- b. burimin e furnizimit me energji elektrike të këtij sistemi;*
- c. informacion mbi klientët e këtij sistemi, me kapacitetet e instaluara përkatëse;*

• **Në nenin 10, “Shqyrtimi i Aplikimit”, bëhen këto ndryshime:**

- **Në pikën 1**, togfjalëshi “nenit 8 dhe 9” ndryshon dhe bëhet në “nenit 8, 9, 15, 16, dhe 17”,
- **Në pikën 3**, hiqet grupi i fjalëve “dhe në relacionin e sipërpërmendur”.
- **Në pikën 5**, “refuzimi” zëvendësohet me “mosfillimi të procedurës”.
- **Pika 6** shfuqizohet.
- **Pika 7** ndryshon si vijon:

*7. Nëse aplikuesi, brenda 1 (muaji) nga marrja dijani e vendimit për mosfillimin e procedurës, paraqet dokumentacionin thelbësor të konstatuar të munguar, dokumentacioni i paraqitur për aplikimin e mëparshëm dhe pagesa për aplikim do të konsiderohen të vlefshme për fillimin e procedurës.*



- **Në pikën 8**, grupi i fjalëve “*ERE publikon në median e shkruar*” zëvendësohet me grupin e fjalëve “*ERE publikon në faqen e saj zyrtare të internetit dhe në median e shkruar*”, dhe togfjalëshi “*tre gazeta*” zëvendësohet me “*dy gazeta*”.
- **Pika 10** ndryshon si vijon:
 

*10. Duke nisur nga dita e parë e publikimit të njoftimit, ERE do të presë kundërshtimet e mundshme për këtë aplikim, për një afat prej 30 (tridhjetë) ditësh, nga data e parë e publikimit të njoftimit për aplikimet për veprimtarinë e prodhimit për centralet e lidhura me rrjetin e transmetimit.*
- **Pika 11** ndryshon si vijon:
 

*11. Për aplikimet për veprimtarinë e prodhimit për centralet e lidhura drejtpërdrejt me rrjetin e shpërndarjes dhe për aplikimet e tjera sipas përcaktimeve të kësaj Rregulloreje, afati i përcaktuar në pikën 10, do të jetë 10 (dhjetë) ditë.*
- **Pika 12** ndryshon si vijon:
 

*12. Me kërkesë me shkrim, aplikuesi mund të kërkojë që të mbahen konfidenciale informacione ose dokumente të depozituara prej tij në kuadër të aplikimit, që mund t'i shkaktojnë atij dëm tregtar. Ky dokumentacion duhet të specifikohet prej tij, së bashku me arsyet e mosbërjes publike. Përndryshe konsiderohet se kërkuesi nuk e kërkon një kufizim të tillë. Kjo kërkesë, në zbatim të përcaktimeve të legjislacionit në fuqi mbi informacionin konfidencial dhe të drejtën e informimit, do të mbahet në konsideratë në vijim, në rast të interesit të palëve të treta për të aksesuar dokumentacionin e aplikimit.*
- **Neni 12**, emërtohet *Analizimi i dokumentacionit dhe propozimi përfundimtar*.
- **Në nenin 13** bëhen këto ndryshime:
  - **Pika 2**, germa i) ndryshon si vijon:
    - i) *nxitjen e një tregu konkurrues të energjisë elektrike;*
- **Në nenin 14, Pranimi ose Refuzimi per Licensim i Aplikuesit**, shtohen **pikat 8, 9 dhe 10** vijon:
  - 8. *Në rast se i licencuari humbet dokumentin origjinal të licencës të lëshuar nga ERE, ai mund të bëjë kërkesë në ERE për lëshim duplikatë licence, kundrejt një pagese siç përcaktuar në Aneksin A të kësaj Rregulloreje. Të licencuarit do t'i lëshohet publikata e licencës vetëm pasi të vërtetohet se ai ka kryer pagesën përkatëse.*
  - 9. *ERE mund marrë vendim me kusht kur gjykon se ndonjë nga dokumentet e paplotësuara nuk është thelbësore dhe i licencuari merr përsipër ta përmbushë atë brenda një periudhe të caktuar kohore të përcaktuar në vendim. Plotësimi/mosplotësimi i kushtit sipas përcaktimit të vendimit të Bordit të ERE-s do të përbëjë shkak për rishikimin e vendimit.*



10. Bordi i ERE-s, rast pas rasti, pas fillimit të procedurës, mund të vendosë të pezullojë vendimmarrjen e tij.

- **Në nenin 15, Modifikimi i licencës**, pika 4 ndryshon si vijon:

4. Në rastin e modifikimit të licencës me kërkesë të të licencuarit, ky i fundit duhet të depozitojë në ERE:
  - a. formatin e plotësuar të aplikimit sipas Shtojcës 1.
  - b. informacion ku të shpjegohen arsyet e kërkesës për modifikimin e licencës dhe çdo parametër teknik që ndryshon;
  - c. vendimin me shkrim të organeve drejtuese të të licencuarit, të cilat shprehin vullnetin për të kërkuar modifikimin e licencës;
  - d. miratimin/qëndrimin e Autoritetit Kontraktues (ministra përgjegjëse);
  - e. miratimin/qëndrimin e organeve përgjegjëse të menaxhimit dhe mbrojtjes së mjedisit;
  - f. miratimin/qëndrimin e organeve përgjegjëse të menaxhimit të burimeve ujore, në rastet e prodhimit të energjisë elektrike nga hidrocentralet;
  - g. miratimin/qëndrimin e operatorit të rrjetit në lidhje me këtë modifikim, në rastet e ndryshimit të kapacitetit të instaluar.

- **Në nenin 16, Rinovimi i licencës**, bëhen këto ndryshime:

- **Pika 1** ndryshon si vijon:

1. Në rast të interesit për rinovimin e licencës, i licencuari duhet të paraqesë aplikimin përkatës në ERE për rinovim jo më vonë se 6 (gjashtë) muaj para përfundimit të kohëzgjatjes së vlefshmërisë së licencës së dhënë, duke paraqitur dokumentet e mëposhtme:
  - a. formatin e plotësuar të aplikimit, sipas Shtojcës 1.
  - b. çdo modifikim ose ndryshim të mundshëm të mundshëm të dokumentacionit të të dhënave teknike apo dokumentacionit tjetër të depozituar në aplikimin për pajisje me licencë;
  - c. informacion mbi ushtrimin e veprimtarisë e licencuar (kontrata për shitblerjen e energjisë, nëse ka pasur).

- **Pas pikës 7**, shtohet pika 8, me përmbajtje si vijon:

8. Në rast se i licencuari nuk paraqet në ERE aplikim për rinovimin e licencës, brenda afatit të përcaktuar në pikën 1 të këtij neni, ose ERE merr vendim për refuzimin e kërkesës së të licencuarit për rinovim të licencës, kjo e fundit e humbet vlefshmërinë me përfundimin e afatit të kohëzgjatjes së saj dhe hiqet nga regjistri i të licencuarve të ERE-s. Në këto rrethana, në rast të interesit për të ushtruar sërish veprimtarinë, duhet të paraqitet aplikim për licencim nga e para, sipas përcaktimeve të kësaj rregulloreje.

- **Në nenin 17, Transferimi i licencës**, bëhen këto ndryshime:

- **Pika 2** ndryshon si vijon:

2. Në rastet e transferimit të plotë të licencës, i licencuari duhet të paraqesë në ERE dokumentet e mëposhtme:

- a. formatin e plotësuar të aplikimit, sipas Shtojcës 1.
- b. informacion ku të shpjegohen arsyet e kërkesës për transferimin e licencës;
- c. informacion mbi ndikimet e pritshme të transferimit të licencës;
- d. marrëveshjen e nënshkruar mes të licencuarit dhe personit tek i cili do të transferohet licenca, ku të shprehet vullneti për këtë transferim.
- e. deklaratë me shkrim e personit tek i cili do të transferohet licenca, ku të shprehet gatishmëria për të vijuar me ushtrimin e veprimtarisë së licencuar dhe kontributi financiar që do të vendoset në dispozicion të veprimtarisë;
- f. miratimin/qëndrimin e Autoritetit Shtetëror Përgjegjës, në rast se transferimi kushtëzohet me një miratim/qëndrim të tillë.

- **Pika 5** ndryshon si vijon:

5. Në rastet e transferimit të plotë ose të pjesshëm të licencës, që shoqërohet dhe me transferimin e aseteve fikse të të licencuarit, aplikimi për këtë transferim duhet të bëhet paralelisht me aplikimin për transferimin e licencës, sipas përcaktimeve të Rregullores për procedurat e transferimit të aseteve nga të licencuarit.

• **Neni 23, Hyrja në fuqi**, ndryshon si vijon:

*Këto shtesa dhe ndryshime hyjnë në fuqi pas Botimit në Fletoren Zyrtare.*